



S P O D E L I N L E

Lekcija 12 za 20 Juni 2026 bers

„O Devel
dengaman chib
ucimo, za da te
canav sar te
potkrepinav o
umorno lafeja;
sabajleja sekova
sabaj cangavela
miro kann za da
te sunav sar
uceniko.“

(Isaija 50:4)



Iljadnikija na pencarena e Isuse cacipase. Narekuinajalen „izgubime bakre“, ali ola duri thaj na canena deka tane izgubime. Thaj sar ka canen deka olenge potrebno O Isus ako nikoj na objasninela olenge odova?

O Devel pogrizenelape za sekova manus ki akaja planeta thaj „mangela sa e manusen te oven spasime thaj te aven ci ko pencariba i vistina“ (1 Timotej 2:4). Akava vklucinela thaj okolen kola na pencarenale thaj okola kola ,otkeda pencargele,odalecingepe taro Oleso drumo.

Sar O Devel odlucinga te dostigninel sa akale manusen? Preku amende. Akaja tani amari „Bari Naredba“.



So trebela te spodelina?

➤ **Bari naredba.**



Sar saj te spodelina?

➤ **Imitiribaja e Isuse.**

➤ **So neguvatibaja prijatelstvo.**



Sar te irana okolen kola zalutinge?

➤ **O Devel rodela pire caven.**

➤ **Amen rodaja okolen kola zalutinge.**

SO TREBELA TE
SPODELINA ?

BARO NALOG

„Adalese can thaj keren ucenikija taro sa o narodo, krstibaja olen ko anav O Dat O Cavo thaj O Sveti Duho“ (Matej 28:19)





„Can...ko sa o narodo“ ine o zapoved so O Isus denga e manusenge so kedingepe te dikenle palo oleso voskresejne (Matej 28:18-19).

So trebinga te keren? Trebinge te can thaj te keren ucenikija. Odova tano, te kontaktirinen manusencar, te krstinen len thaj te ucinenlen te oven ucenikija e Isusese (Matej 28:19-20).

Odola ucenikija, pak, poucinge javere ucenikon...thaj agar ponadari duj iljade bersa...sa ci ko amaro vreme. Akana, amen inam adala so primingam e Isusesi zapoved.

Sar o Petar thaj o Jovan, „amen nasti a te na kera lafi za odova so diklam thaj so sungam“ (Dela 4:20). Saj te propovedina, te vikina ko ulice, te spodelina amaro svedostvo ko socialna mediumija ili ednostavno te spodelinale nekasaja. Sarine inam vklucime.




SAR SAJ TE
SPODELINA ?

IMITIRIBAJA E ISUSE

„E Isuseso mangipe upravinela amare zivotoja, sose canaja deka jek mulo sarinenge“
(2.Korintjanite 5:14)

So motiviringa e Isuse te rodel „e izgubime bakren“ (Matej 15:24)?

Nesomneno, odova ine Oleso mangipe kon amende (Matej 9:36 / Efesjanite 5:2). Ov civga piro mangipe kon amende, za da te saj te spodelinala okolencar kola panda na pencarena e Isuse. Ponekad, o manusa obedinenape te prinudinen e Isuse te prifatnilen za olengo sukaripe. Ali, odova nane o metod so izbiringa O Devel.




O Devel na prisilinga e Adame thaj e Eva te na gresinen. Ov na prisilingalen e manusen taro predpotop zitelija te kuven ko brodo. Ov na prisilinga e Ninevijcijen te prifatnilen le. Ov kerga lafi olencar mangipaja thaj predupredipaja za ko posledice taro slediba ko olenge sopstvena drumija.

Imitiribaja e Isuse, pokazinaja Oleso mangipe kon javera thaj pokaninajale te sledinen Ole.

NEGUIBA TARO AMALIPE

„...oven uvek podgotvime te odgovorinen sarinenge so pucena tumen za tumari nadez, ali keren odova so krotost thaj pocit.“
(1.Petrovo 3:15)

Sarine amen inam propovednikija e Isusesese thaj tano amenge zapovedime te podgotvinamen odolese (1 Petrovo 3:15). Ali, na sarine amendar canena sar te propovedinen. Sepak, isi amen vetuiba deka samoto O Devel ka delamen o potrebna lafija (Isaija 50:4).



Ake nesave ednostavna sovetija so trebela te ovel tumen ko predvid keda ka spodelinen e Isuse javerencar:



Razvinen amalipe e manusencar



Molinen tumen O Sveti Duh te dejstvuinel ko srcija odole manusende.



Roden prirodna nacinija te keren lafi za tumare sopstvena verska iskustvija ili te molinen tumen adale manusenge.



Roden nacin te povrzenen tumare neve amale javere manusencar i tumari crkva.



Molin tut za specificna potrebe ili puciba so mozda isile tiro nevo amal.



Roden moznost te sikaven sar i Biblija nudinela uteha, sovetija thaj vodstvo ko amaro zivoto.



Keda ka avel vreme, pucen tumare amale dali mangela te proucinel i biblija thaj te krstinelp.

**SAR TE IRANA OKOLEN
KOLA GELE PESE?**

O DEVEL RODELA PIRE CAVEN

„Nane li o Efrem miro vozljubimo cavo, miro manglo cavo? Iako kaznina vale, palem setinava man oleste. Miro srce kopnina palo leste; isiman bari milost kon leste“
vakerela O Devel. (Eremija 31:20)



Ko odredimo momenti, e Devleso narodo podelingape: Efrem (severno carstvo) napustinga e Devle; Juda (juzno carstvo) acile verna.

Thaj pokraj oleso napustiba, O Devel prodolzina te odredinel e Efreme za piro manglo cavo (Eremija 31:20). Duri thaj sikavga pire baba, E Rahela, sar rovela za pire cave, kola mule pire grevoncar (Eremija 31:15).



Okolenge kola sluzinge e Devlese, a palo odova napustingele, O Devel prodolzinela te povikuinel len mangipaja. Ola Olese cavencar thaj Ov mangelalen thaj uporno potiknina te iranenpe Oleste.

Mozda nesave taro tumare cave, kola nekada pencarge i vera, thaj napustinge. Dur taro odova te irana olenge amaro dumo, mora te prodolzina te mangalen thaj te kera olencar lafi ljubezno. O Devel potsetinelamen deka ola tane predmet za Oleso najnezno socuvstvo thaj Ov iskreno posakuinela te iranenpe Oleste.



RODAJA OKOLEN KOJA GELE PESE

„Ka frdavlen maskar sa o narodija, ali iako tane dur, ka setinen pe Mande thaj jek dive ka iranenpe pire cavencar“ (Zaharija 10:9)



Amaro sopruzniko; amaro cavo; amari caj; amaro amal; amaro komsija; odova pral ili pen so besle ki odoja klupa... Jek dive ola pokloningepe amencar, ali akana , kaj tane?

Postoinena but pricine sose o manusa napustinge i crkva. Amen na inam povikuime te sudina olenge pricine, te kritikuina olenge motivija ili ednostavno te bistralen.

Amari dolznost tani te ca thaj te arakalen thaj te iranalen ko stado. Sar te kerale odova? Prvo, molitvaja. Dujto, odoleja so ka ova primer za ko mangipe thaj ljubezno kon olende.

O Svedostvo taro tumaro zivoto, tumare postapke, lafija thaj molitve za nekoj so odalecingape taro Devel saj radikalno te promeninen oleso zivoto thaj olesi idnina.



„O Devel saj te doverinel i poraka taro Evangelie thaj celo sluzba ko mangipe taro nebesna angelija. Sainga te upotrebini thaj javera sredstvija za da te ostvarini piri cel. Ali, ko piro beskonecno mangipe, Ov odlucinga te kerel amen sorabotnikija Oleja, e Isuseja thaj e angelencar, za da te saj te ucestvuina ko blagoslov, radost thaj duhovno vzdigniba so iklovela tari akaja nesebicno sluzba.... Ako o buka sar so o Isus mangela Olese ucenikija te Keren bui thaj te dobinen duse za Olese, ka custvuinen potreba za podlaboko Iskustvo thaj po baro pencariba ko bozenstvena buka thaj ka oven bokale thaj zedna za pravednost. Ka zastapinen tumen ko Devel thaj tumari vera ka zajakninel; tumari dusa ka pijel dlaboko taro izvor taro spasenije. Naidiba ko protiv thaj iskusenije ka civel tumen te citinen O Sveto pismo thaj te molinen tumen. Ka bajroven ki blagodat thaj ko pencariba ko Isus Hristos thaj ka stekninen barvalo Iskustvo.”

E.G.V. (Cekorija kon O Hristos, strana 79-80)